

PNG COMMUNITIES BEST REDD TAVOLO PROJECT SUMMARY

Oi bikpela toktok we stap long

Verified Carbon Standard Prosek Pepa, na

Climate, Community & Biodiversity Standard Prosek Pepa



Document Prepared by FORCERT, Kimbe, Papua New Guinea,
with technical assistance from Face the Future, Wageningen, The Netherlands

Pepa FORCERT ikamapim wantaim halivim biiong Face the Future

Summary Description of the Project – *Sotpela toktok long tok klia long Prosek*

Tavolo Komuniti istap long East New Britain Province, long South Coast bilong Niu Briten Ailen, Papua Niugini (PNG). Ol klen bilong Tavolo Komuniti em ol papamama graun antap long eria olsem 21,164 hekta (bihain yumi kolim olsem 'Tavolo Prosek Eria'). Dispela eria em save stap aninit long birua olgeta taim long loggin na weil pam ilaik kam insait na bagarapim bus.

Long lukautim bus na ol risos bilong ol, na long paimim yet wei bilong kisim makmak, komuniti ibin paunim FORCERT long yia 2007 long askim sapos komuniti iken mekim wok wantaim wokabout somil aninit long FSC Grup Setifiket Netwok we FORCERT ibin lukautim long dispela taim.

Taim ibin kamap ples klia olsem liklik makmak bilong wok somil ino inap long strongim komuniti long lukautim bus bihain taim, ol bin stap wok wantaim FORCERT long traim Payment for Environmental Services olsem wanpela narapela rot long kisim liklik makmak aninit long PNG Communities Benefits from Environmental Services Trust (BEST). Komuniti ibin passim tok long wok bung aninit long Tavolo Community Conservation Association (bihain yumi kolim olsem 'Tavolo Komuniti'), na ol passim tok long lukautim graun, mekim liklik wokabout somil wok bihainim ol Lo bilong FSC Setifiket long wanpela hap bilong bus bilong ol, na narapela hap ol putim aninit long konsevesen stret.

Antap long dispela, komuniti putim olgeta graun bilong olgeta klen insait long Tavolo Komuniti insait long wanpela Plen bilong Yus bilong Graun, na makim ol wanwan hap bilong wanwan yus bilong ol graun, na stopim ol manmeri long go insait nating na kliarim bus, na lukluk tu long sampela olupela gaden eria iken go bek long kamap bik bus.

Long nau yet, ol bikbus we istap yet long Tavolo Prosek Eria igat bikpela birua ilaik kamap long em. Wanpela Land Owner Company (LOC) ol ikolim Kakuna-Lote Risos Developmen Ltd (Kakuna-Lote LOC) iwok bung wantaim kontrekta na divelopa Mekar (PNG) Ltd long kamapim plen long katim ol bus. Long yia 2019 Kakuna-Lote kisim Mukus-Melkoi SABL pepa, we emi karamapim 68,300hekta. Kakuna-Lote na Mekar igat plen nau long katim bikpela bus na senisim igo long plentesen na narapela yus bilong graun aninit long nem Kakuna-Lote Agro Forestry & Reforestation Plantation Development Project (bihain yumi kolim olsem 'Kakuna-Lote Prosek').

Long kamapim Kakuna-Lote Prosek, long yia 2019, Kakuna-Lote LOC ibin askim Forestri long givim ol wanpela Forest Clearing Authority (FCA) long katim olgeta 45,980 hekta bilong ol bus insait long Mukus-Melkoi SABL Eria, stat long 2019-2020. Bihain long katim na rausim bus, Kakuna-Lote LOC ilaik planim Kamarere long 32% (16,800 hekta) na long 4% (1,800 hekta) ol laik planim koko o kopi.

Kakuna-Lote Prosek em Kakuna-Lote LOC na Mekar PNG ibin kamapim taim ino gat gutpela toksave na skelim na tok orait pastaim, ol kollim long free, prior and informed consent, long ol

komuniti long hap bilong Prosek husait ol papamama graun antap long eria ol putim insait long Mukus-Melkoi SABL.

As tinting bilong dispela PNG Communities BEST REDD- Tavolo Prosek (bihain yumi bai kolim olsem 'Tavolo REDD Prosek') em long sapatim Tavolo Komuniti long lukautim bus insait long Tavolo Prosek Eria, we ol inoken katim na senisim aninit long Mukus-Melkoi SABL, bihainim Kakuna-Lote Prosek. Long inapim dispela lukaut bilong bus na stopim ol plen long katim bus, dispela ol wok bai kamap insait long Tavolo Prosek Eria:

1. Tavolo Komuniti bai kisim wanpela pepa boing Kot o Gavmen we em toksave olsem Mukus-Melkoi SABL na ol tokorait pepa bilong logging aninit long en, bai nogat moa pawa nau.
2. Ol komuniti insait long Tavolo Prosek Eria bai wok bung aninit long Tavolo Community Conservation Association, ol bai kamapim ol Komuniti Konsevesen Lo, wei ol yet makim dispela ol Lo long sait bilong yus bilong graun na lukautim bus insait long Eria bilong Prosek. Komuniti yet bai kirapim wanpela wei long bosim na skelim wei bilong olgeta manmeri long bihainim dispela ol Komuniti Konsevesen Lo.
3. Ol komuniti bai lukautim bus bilong ol aninit long wanpela plen long yusim gut ol graun, we komuniti yet ibin kamapim wantaim halivim bilong FORCERT. Dispela kain plen bilong yus bilong graun bai lukluk strong long wok konsevesen bilong bus, wok wantaim wokabout somil bisnis, na ol wok gaden na blok.
4. Ol komuniti bai stap insait long PNG Communities Benefits from Environmental Services Trust (BEST). Aninit long dispela, komuniti bai kisim makmak long lukautim servis bus igivim, na dispela bai inapim ol long mekim wanem wok ol mas mekim long stap na lukautim bus, graun na wara long nau na bihain taim. Dispela makmak bai kamap taim PNG Communities BEST bihainim ol lo bilong FSC setifikesen, Fairtrade setifikesen, na VCS & CCBS validesen na verifikesen, kisim kabon kredit, na las salim dispela ol kredit igo long voluntary maket.
5. Bai gat luksave bilong Gavment long lukaut bilong bus aninit long REDD Prosek. Tavolo Komuniti putim pinis bus bilong ol aninit long wanpela Wanbel Pepa bilong olgeta klen, ol ikolim Conservation Deed.

Tru long ol wok aninit long Prosek ol ikolim antap, bus aninit long Tavolo REDD Prosek ol bai lukautim long ol ino ken katim na ol bai stopim planti win nogut long go arasait. Taim Prosek bai ran long en, em 30pela krismas, stat long Dei bilong Stat bilong Prosek em 23 January 2019. Skelim bilong hamas win nogut Prosek em stopim em olsem 4,544,004 kabon kredit (tCO₂e) long dispela 30pela krismas, Olsem na long wanwan krismas igat 151,467 kabon kredit (tilim 4,544,004 tCO₂e igo long 30pela krismas) long tilim benefit long en. Moni mak bilong em iken senis bihainim prais bilong wanwan kabon kredit ol baia bilong en laik givim, wankain liklik olsem prais bilong koko na kopra save go antap na daun gen.

Project Proponent – *Husait igo pas long Prosek*

Organization name	FORCERT
Contact person	Cosmas Makamet
Title	Manager
Address	P.O. Box 772 Kimbe, West New Britain Province, Papua New Guinea
Telephone	+67573006023
Email	cmakamet@forcertpng.org

Other Entities Involved in the Project – *Husait ol narapela lain istap insait long Prosek*

Organization name	Tavolo Community Conservation Association
Role in the project	project beneficiary – <i>kisim benefit long Prosek</i>
Contact person	Peter Kikele
Title	Chairman
Address	P.O. Box 1789 Kokopo, East New Britain Province, Papua New Guinea
Telephone	+67579138891
Email	-

Organization name	Face the Future
Role in the project	Technical assistance in VCS&CCB project development – <i>Halivim long sait bilong kamapim Prosek aninit long ol Lo bilong VCS na CCBS</i>
Contact person	Wouter van Goor / Kars Riemer
Title	Consultant – Project development
Address	Hollandseweg 7H, 6706 KN Wageningen, The Netherlands
Telephone	+31 30 31 010 44

Ownership – *Husait i bosim graun*

Insait long PNG, olsem tu long Tavolo REDD Prosek Eria, graun em istap long han bilong klen. Ino gat wanpela papa o mama tasol bilong graun. Graun em stap wantaim papamama graun aninit long kastom em igat luksave long em insait long Mama Lo bilong kantri. Dispela iminim tu olsem olgeta risos antap long graun em stap long han bilong papamama graun. No gat nid long kisim wanpela pepa o taitel bilong graun bilong klen bilong yu; aninit long kastom igat we long soim olsem em graun bilong klen bilong yu.

Aninit long Land Act (1996), maski graun em bilong ol papamama graun, Minista bilong Lands iken putim dispela graun aninit long Special Agricultural Business Lease (SABL), sapos ol klen bin kamapim Incorporated Land Group (ILG) na ol bin tok orait long putim graun bilong ol aninit long State Lease, na givim gen Sublease igo long wanpela kampani.

Project Start Date – *Dei bilong Stat bilong Prosek*

Dei bilong stat bilong Prosek em **23 January 2019**. Em taim FORCERT, Face the Future na Greenchoice bin saimin wanpela Wanbel Pepa (Cooperation Agreement) namel long ol yet. Aninit long dispela wanbel pepa tripela ibin tok orait long halivim Tavolo Komuniti long go long kot long traim long rausim Mikus-Melkoi SABL na Lote-Kakuna Prosek, na long kamapim wanpela Payment for Ecosystem Services (PES) Basket long ol komuniti insait long Tavolo Prosek Eria, long inapim ol long kisim liklik makmak long lukautim bus long nau na bihain taim.

Project Crediting Period – *Taim bilong kisim ol Prosek Kredit*

Wok skelim bilong dispela Prosek em 30pela krismas.

Wok skelim long hamas win nogut bai kamap sapos ino gat dispela Prosek em stap insait long dispela pepa long nambawan 10pela krismas bilong dispela Prosek. Olgeta 10pela krismas, yumi bai skelim gen wanem birua istap na hamas win nogut iken kamap sapos nogat lukaut bilong Prosek. Ol kredit yumi bai kisim bai bihainim dispela ol hap taim, olsem na yumi bai makim long ol 10pela krismas tasol.

Description of the Project Activity - *Tok klia long ol wok aninit long Prosek*

Tripela komuniti insiat long Tavolo Prosek Eria, Mukus, Tavolo na Lausus isave wok bung aninit long Tavolo Community Conservation Association (TCCA) wantaim astinting long lukautim ol bikbus we istap antap long graun bilong ol. Tavolo Prosek Eria karamapim 21,782 hekta, nau aut long dispela 15,102 hekta (69%) istap long plen long katim olgeta na senisim igo long plentesen na narapela yus bilong graun aninit long Mukus-Melkoi SABL wantaim Kakuna-Lote Prosek. Tavolo Komuniti wok bung wantaim FORCERT lo stopim dispela bagarap bilong bus bilong ol, na ol bai mekim dispela ol wok aninit long Prosek.

Nullification of the Mukus-Melkoi SABL – Rasuim Mukus-Melkoi SABL

Olgeta graun bilong Tavolo Prosek Eria istap aninit long Mukus-Melkoi SABL eria, we pastaim ol ibin givim aut long yia 2008 igo long wanpela Land Owner Company (LOC) ol isave kolim RERA Holdings Ltd (RHL) na em bai stap long 99pela krismas. Tavolo Komuniti ino bin tok orait long graun bilong ol igo insait long Mukus-Melkoi SABL. Antap long dispela, Tavolo Komuniti ino bin tok orait long kampani katim bus bilong ol na senisim yus bilong graun aninit long Kakuna-Lote Prosek. Dispela imekim na Tavolo Komuniti iwok nau long stopim Kakuna-Lote Prosek wantaim FCA bilong em, na long rausim olgeta Mukus-Melkoi SABL long stopim tu wanem kain plen gen long katim bus laik kamap bihain. Em save had stret long ol komuniti long mekim dispela wok long pait wantaim ol bikpela kampani na Gavmen, we ol imas traim stretim ol pepa wok na go long kot, na em save kostim bikpela moni long baim loya, baim rot bilong ol mausman na witness long go sanap long kot, igo ikam long Kokopo (we igat Nesanel Kot), na tu kos long painim ol pepa na narapela samting long strongim dispela wok kot. Olgeta femili bilong Tavolo Komuniti ibin putim han mak bilong ol long bungim K10,000 long putim long benk akaon boing loya long statim halivim bilong em long makim Tavolo Komuniti long kot, na halivim bilong Greenchoice long kamapim Prosek bai inapim pei long wanem wok kot stret ol mas mekim.

Tavolo Community Sustainable Land Use Plan and Conservation Laws – Tavolo Komuniti Plen bilong Yusim gut Graun na ol Lo bilong Konsevesen

Tavolo Komuniti yet ibin mekim wanpela wok skelim long wanem ol samting bilong lukautim istap long graun bilong ol, na FORCERT ihalivim ol long mekim dispela. Taim dispela wok skelim ipinis, ol bin kamapim ol Komuniti Konsevesen Lo, na tu sampela Lo long stiarim gut ol man long bihainim dispela ol Lo. Olgeta klen insait long Tavolo Prosek Eria ibin oraitim dispela ol Lo. Tavolo Komuniti bai kisim luksave long dispela ol Lo long Melkoi Lokal Level Gavmen na tu long putim ol Lo wantaim Conservation Deed bilong ol. Tavolo Komuniti Konsevesen Lo Komiti istap long skelim sapos ol manmeri wok long bihainim ol Lo na long mekimsave long ol, sapos ol ibrukim wanpela Lo. Olgeta klen igat wanpela man o meri insait long dispela Komiti.

Plen bilong Yus bilong Graun bilong Tavolo Komuniti wei ibin stap bipo, ol bin skelim gen, bihain long wok bilong skelim wanem ol samting istap long graun bilong ol long lukautim na kamap bilong ol Komuniti Konsevesen Lo. Igat sampela ol liklik senis long sait bilong makim ol hap bilong wanwan yus bilong graun, bihainim ol toktok we ol bin mekim antap long mep bilong satelait na wok bilong sekim ol baundri bilong wanwan eria wantaim halivim bilong FORCERT. Plen bilong Yus bilong Graun na Komuniti Konsevesen Lo ba stiarim komuniti long ol yet long go pas long apim na strongim dispela work konsevesen na lukaut bilong ol risos bilong ol. Olgeta 10pela krismas igat taim long skelim gen dispela samting, bihainim we bilong VCS long skelim gen wanem samting bai kamap sapos ino gat Prosek.

Benefits from Environmental Service Trust (BEST) for PNG communities – PNG Communities BEST

FORCERT bai kamapim PNG Communities Benefits from Environmental Services Trust (PNG Communities BEST) long wok olsem wanpela Sevis Trust long ol komuniti (ol partner), na imas igat inap moni we iken kam instait long Trust long inapim benefit igo long wanwan komuniti long 10pela krismas.

PNG Communities BEST bai gat ol menesmen bilong em yet, we igat tras stret long en na ol istap ol yet, na bai lukautim olgeta moni we em bai kam insait long sapotim wanem Sevis bilong Environmen stret na tu wanem narapela moni sapot ol manmeri laik givim long strongim wok konsevesen bilong ol komuniti. Dispela menesmen bilong Trust em yet, bai kamap taim PNG Communities BEST ikamap bikpela inap long sait bilong ol memba komuniti na moni ikam insait long wanwan krismas, em long inapim tu moni yumi nidim long baim dispela menesmen. Sapos PNG Biodiversity & Climate Fund ikamap gut na soim olsem em inap long dispela wok, ol tu liken mekim. Long stat nau bilong PNG Communities BEST, wantaim Tavolo Community Conservation Association olsem nambawan komuniti memba bilong em, na moni bilong salim kabon kredit bilong Tavolo REDD Prosek olsem wanpela rot tasol long bringim moni kam insait, FORCERT bai lukautim ol moni, na bai bihainim ol strongpela lo bilong em yet long sait bilong lukautim moni insait long oganaisesen. FORCERT Board bai glasim na bosim dispela wok lukaut, na olgeta moni bai stap em yet na ino nap bung wantaim narapela moni bilong FORCERT. Tavolo Komuniti ibin tok orait long dispela wei long lukautim moni.

Wei bilong tilim benefit aninit long Trust ol ibin tok orait long em pinis bihain long planti ol bung long paitim tok long em wantaim Tavolo Komuniti, na tupela narapela Komuniti.

Wei long brukim emi olsem:

- 15 persen igo long Gavmen (4% Lokal Level, 3% Distrik, 1% Provins na 7% Nesenel)
- 20 persen igo long ol lain bilong halivim (FORCERT na Face the Future)
- 65 persen igo long ol komuniti bilong ol papamama graun

Tingim: Tingting long wei bilong brukim makmak o takis bilong Gavmen emi stap olsem pastaim, bikos ino gat yet Nesenel REDD+ Benefit Sharing Distribution System Polisi ikam autsait yet, na ol ino kamapim yet ol Lo bilong tilim benefit yet aninit long Klimat Senis Menesmen Act (CCMA, 2021 Amended). Sapos mak bilong Gavmen bai go aninit long 15 persen, orait, senis bilong en bai go long apim mak bilong komuniti.

65 persen bilong komuniti benefit iken igo long sevenpela ol basket:

- Komuniti Sevis Prosek Basket
- Skul fi / Edukesen Basket
- Helt Basket
- Basket long sapot igo long ol femili long wei long kamapim moni
- Basket bilong Menesmen long oganaisesen bilong komuniti
- Sambai Basket long taim bilong hevi
- Invesmen Basket

Aninit long dispela wei bilong tilim makmak ino gat wanpela moni nating igo long han bilong ol femili o wanwan manmeri, na long seim taim igat ol wei long sapatim ol femili na wanwan manmeri long ol bikpela samting we ol bai nidim moni long en olsem skul fi na helt, Na tu igat sapat igo long femili long kamapim ol wei long ol yet long kamapim moni wantaim ol liklik femili bisnis.

Astingting long nogat fri moni igo long femili o wanwan manmeri, em olsem givim moni nating bai mekim ol manmeri isindaun tasol na wetim moni kam, na bai brukim komuniti na bagarapim gutpela sindaun na luksave long olgeta manmeri. Em givim moa sans tu long man bai sipak na bagarapim meri bilong en, na tingting long kisim planti meri na kamapim planti pikinini long kisim planti makmak. Narapela hevi em ol autsait manmeri ipainim ol kainkain wei long kam insait long ol klen, o klen lida oraitim ol long kisim mak bilong ol bihain long ol baim “shares” long em.

PNG Communities BEST wei bilong tilim benefit bai inapim ol klen memba husait isave stap long narapela hap long tu kam insait na kisim luksave long ol benefit. Emi ken kamap aninit long Edukesen, Helt of Femili bisnis basket, na olgeta klen wantaim bai pasim tok long dispela.

Ol benefit ol bai tilim long wankain mak long wanwan krismas long olgeta krismas long 30pela krismas bilong PNG Communities BEST wanbel pepa komuniti isainim, na em bai bihainim wanem moni ikam insait pinis long PNG Communities BEST. Komuniti yet bai makim wanem kain makmak imas igo long wanwan basket long wanwan krismas. Na tu, lukaut na yus bilong dispela ol basket istap wantaim komuniti em yet, tasol Invesmen Basket bai gat lukaut bilong en long level bilong PNG Communities BEST. Bikos makmak bilong Tavolo Komuniti bilong wanwan krismas emi antap stret, FORCERT bai salim ol moni long wanwan kwota (olgeta tripela mun), na dispela bai inapim ol namel taim ripot long wok kamap na yus bilong moni long kamapim dispela ol wok pastaim long skelim ol samting gut na mekim senis tu long wok plen na moni plen long neks tripela mun.

FORCERT bai givim ripot long olgeta krismas long wanpela bikpela kibung long komuniti yet long lukaut bilong em long PNG Communities BEST Progrem na tu long mak bilong ol moni insait long BEST na Tavolo Komuniti bai givim ripot bilong em ikam bek long FORCERT long wei bilong komuniti long wei bilong tilim na lukautim ol makmak bilong komuniti.


FORCERT bai bihainim olgeta lo bilong skelim na ripot long Prosek aninit long VCS, CCBS na CCDA, bihainim ol toktok long dispela insait long CCMA (2021, Amended), na tu wanem ol toktok bai kamap long REDD+ Guidelines & Regulations, we nau yet ino pinis yet.

Formal Protection Status – Luksave long Konsevesen

Tavolo Komuniti ilaik srukim Wildlife Management Area (WMA) bilong ol nau istap long 2,400 hekta, igo karamapim olgeta Tavolo REDD Prosek Eria, tasol ol pepa wok ol igivim pinis long dispela igo long Conservation & Environment Protection Authority (CEPA) ol ino wok yet long en na istap yet. Bikos long dispela, Tavolo Komuniti nau ibin putim olgeta eria bilong Plen bilong Yus bilong Grain bilong ol igo aninit long wanpela Wanbel Pepa - Conservation Deed, ol ibin sainim long Novemba 2019.

Project Location – *Prosek istap we*

Tavolo Komuniti istap long East New Britain Province, long South Coast bilong Niu Briten Ailen, Papua Niugini (PNG). Ol klen bilong tripela komuniti Mukus, Tavolo na Lausus, em ol papamama graun. Olgeta graun aninit long Plen bilong Yus bilong Grauin bilong dispela tripela komuniti em olsem 21,164 hekta, na 17,178 long dispela em ol bus. Ol baundri bilong Tavolo Prosek Eria na ol bus istap long Figure 1. aninit.



**Figure 1 - Map with the geographical boundary of the Tavolo Land Use Area (in purple)
*Mep soim ol baundri bilong Tavolo Plen bilong Yus bilong Graun***

Insait long Tavolo Plen bilong Yus bilong Graun baundri, ol bin makim wanem ol hap emi bus, yusim Landsat 8 piksa (lukim Figure 2),.

Bikos ol hap we igat bus tasol imas istap insait long REDD Prosek Eria, Tavolo REDD Prosek Eria ikaramapim ol hap we ibin gat bus istap long en long stat bilong Prosek, Olsem na bikpela bilong Tavolo REDD Prosek Eria emi 16,493 hekta.

Komuniti ibin makim 14,690 hekta long dispela olgeta 16,493 hekta olsem Konsevesen Eria, na 1,387 olsem Prodaksen Fores, na 694 olsem Konvesen Eria (lukim Table 1 na Figure 3 aninit).

Table 1 – Land Use Zones inside Tavolo REDD Project Area – *Ol hap bilong Yus bilong Graun insait long Tavolo REDD Prosek Eria*

LU Zone	Area (ha)
Forest Conservation	14,412
Forest Production	1,387
Forest Conversion	694
Total area of Forest Cover inside Tavolo REDD Project	16,493




Figure 2 – Forest / Non-Forest Classification 2019 based on Landsat 8 Images – *Makim ol hap i bus na ol hap we ino bus yusim Landsat 8 piksa*

Present condition of the forests in the project area – *Bus istap olsem wanem long nau insait long Prosek Eria*

Bikpela hap bilong ol bus insait long prosek eria istap insait long Konsevesen Eria. Ibin gat liklik wok painim ol samting bilong bus we ino palang, painim pis na abus long ol manmeri bilong komuniti tasol long yusim bilong ol yet. No bin gat wanpela bikpela bagarap ibin kamap long dispela bus na yumi ken kolim olsem bik bus stret. Ol hap bilong bus we komuniti imakim olsem prodaksen fores na konvesen eria, bikpela hap bilong dispela ol bus em bin gat sampela liklik bagarap long en pinis na ino gat planti diwai tumas olsem bik bus stret.

We sampela ol komuniti klostu, aninit long wanpela wankain SABL, ibin lukim traipela bagarap long bus bilong ol, we ol bin rausim olgeta, Tavolo inap nau ibin inap long lukautim ol bus bilong

ol na yusim long gutpela wei tasol, na ino gat wanpela bikpela hap bus ibagarap o lus insait long 20pela krismas. Taim bus bilong Tavolo istap orait, ol komunti long West Pomio eria ibin lusim bikpela hap bus bilong ol aninit long wanpela SABL (lukim Figure 6). Tavolo Komuniti igat plen long strongim wok konsevesen bilong ol long bihain taim wantaim ol wok aninit long prosek, olsem igat tok long en antap. Ol birua long bus insait long prosek eria igat moa tok klia long en aninit.




Figure 3 - Map of tree cover loss between 2000 and 2020, extract from Global Forest Watch – Mep bilong bus ilus namel long yia 2000 na 2020, ikam long Global Forest Watch

Compliance with Laws, Statutes and Other Regulatory Frameworks – Wok bihainim ol Lo, na ol narapela stia bilong Gavmen

Olgeta wok aninit long prosek ibihainim olgeta lo na ol narapela stia bilong gavmen. Aninit igat nem bilong wamen ol nabawan lo na stia ikaramapim dispela kain wok. Plis tingim olsem sampela long ol dispela ino kamap gut yet na Gavmen mas pinisim yet olgeta na Lo ino karamapim yet, tasol bai yumi bihainim as tingting na ol bikpela toktok bilong ol.

National Climate Compatible Development Management Policy

1. Lo long wok bung

Imas igat gutpela wok bung wantaim ol lain husait igat tingting o toktok long dispela prosek long nesenel level na ol level aninit long en tu long olgeta kainkain wok long sait bilong Klaimet Senis

2. Wei long wok bung

Imas igat gutpela luksave na ruru long ol raits bilong papmama graun wantaim sapot igo long wok bilong senis long taim bilong san, rein na win (Klaimet Senis) na tok klia long prosek na gutpela wok bung long daunim ol hevi.

2.1 Imas igat man, meri na ol yanpela isap long paitim na pasim tok long olgeta level.

2.4 Ol lain bilong makim ol pipol, ol Lotu lain na ol bisnis manmeri imas gat wok bung long gutpela wei olsem aninit long wanpela Wanbel Pepa.

Climate Change Management Act (2021, Amended)

- Clause 60: Prosek mas bihainim ol wei bilong United Nations Framework for Climate Change Convention (UNFCCC) long skelim wok bilong Prosek.
- Clause 87: Ol papamama graun imas givim gutpela tok orait o tok nogat, behain long gutpela toksave na tok klia, na wok skelim (Free, Prior and Informed Consent; FPIC).
- Clause 88: Imas igat luksave long raits bilong ol papamama graun long wanem wok ikamap antap long graun bilong ol.
- Clause 89: Kisim tok orait long papamama graun long (1) Incorporated Land Group (ILG) we ibosim graun bilong prosek, o (2) sapos ino gat ILG, 85 persen long olgeta manmeri oli memba bilong grup husait ibosim graun bilong prosek imas givim FPIC.
- Clause 90:

1) Tok klia long Wanbel Pepa long wanpela prosek imas:

a) istap long Tok Inglis na Tok Pisin, na sapos ol papamama graun ilaikim long Tok Peles bilong ol tu

b) itok klia long wanem ol raits na benefit stret bilong papamama graun, long sait bilong makmak na ol narapela benefit, sapos igat

c) tok klia gut long prosek bai mekim wanem samting stret insait long eria ol makim long dispela Wanbel Pepa

d) makim inap krismas bilong prosek long inapim olgeta wok bilong prosek long kamap gut na makim tu wanem ol wok skelim bilong prosek bai kamap

e) imas igat wanpela mep isoim stret ol baundri bilong eria bilong prosek

f) imas igat toktok long wanem ol gutpela yus bilong graun prosek laik mekim, bihainim astinting long sait bilong noken mekim Klaimet Senis igo moa yet, sapos igat

g) imas igat wanpela plen long wok bung wantaim olgeta lain husait igat sampela toktok long prosek, wantaim luksave long ol papamama graun bilong eria bilong prosek

2) Wanbel Pepa bilong prosek wantaim dispela ol samting imas igo pastaim long Opis bilong Het Loya bilong Kantri long oraitim long sait bilong olgeta Lo.

3) Kopi bilong Wanbel Pepa we ol sainim pinis wantaim tok orati pepa bilong Opis bilong Het Loya bilong Kantri imas igo long ol lain bilong Klaimet Senis Atoriti (CCDA)

4) Bod bilong CCDA iken makim wanem fi imas igat long putim dispela Wanbel Pepa ikam long CCDA

5) Sapos Wanbel Pepa ino gat o bihainim wanpela long ol dispela toktok antap, orait em bai nogat pawa bilong em stret.

6) Ol prosek long sait bilong wok long Klaimet Senis imas yusim wanem ol Stia na Lo istap long mekim dispela wok

- **Clause 93**

1) Dispela hap itok aut long wok bung na tilim benefit o givim ol luksave long ol wok o prosek aninit long Klaimet Senis

2) Olgeta papamama graun we wok o prosek ikaramapim ol imas kam insait na kisim benefit long prosek aninint long Klaimet Senis antap long graun o insait long solwara

3) Sapos ino gat wanpela Lo we igat toktok long en, bai gat wanpela Tok Stia (Regulation) long tok klia moa yet long wei long ol manmeri imas kam insait na benefit

- **Clause 94**

1) Atoriti o husait manmeri o oganaisesen husait iwok long wanpela prosek aninit long klaimet senis imas traime olgeta kain wei long makim stret wanem moni o benefit ikam insait na kamapim wanpela ripot long tai bilong pinis bilong prosek igo long olgeta papamama graun, Atoriti na ol Gavmen bilong ol Provins prosek iwok long en.

2) Sotpela toktok bilong dispela ripot imas kamap tupela taim o moa long wanpela niuspepa long kantri

Papua New Guinea's National REDD+ Strategy (2017)

Kamap bilong PNG Communities BEST REDD Prosek bihainim voluntary maket em bihainim astingting long wok long nesel level bilong REDD+ we Gavmen bilong PNG putim long Nesel REDD+ Strategy 2017-2027, we Gavmen tok em bai skelim dispela kain ol prosek we ol ibihainim ol gutpela wei long kamapim na ronim na we ol iwok long kamapim na strongim gutpela sindaun bilong ol komuniti.

Na tu FORCERT ibin wok bung stret wantaim CCDA long kamapim PNG Communities BEST REDD Prosek, na dispela Wanbel Pepa namel long CCDA na FORCERT isoim stret.

Papua New Guinea's National REDD+ Safeguard Documents (in draft):

- **Free, Prior and Informed Consent (FPIC) Guidelines:** Stia long we long kisim gutpela tok orait bilong ol papamama graun, wantaim gutpela tok klia na toksave, wok skelim pastaim na ol

papamama graun ifilim fri tasol long tok orait o nogat, bipo long wanpela prosek bai kamap na stat

- Benefit Sharing & Distribution System (BSDS) Policy: Polisi long wei long makim na tilim ol benefit
- Grievance Redress Mechanism (GRM) Guidelines: Stia long wei bilong stretim ol hevi
- Reducing Emissions from Deforestation and forest Degradation (REDD+) Development Guidelines: Stia long wei long mekim ol wok long lukautim bus long daunim hevi bilong klaimet senis

FORCERT ibin stap insait stret long ol wok wantaim Gavmen long kamapim dispela ol National REDD+ Safeguards, na dispela wok bung istap insait long Wanbel Pepa bilong CCDA na FORCERT. Wok traim bilong Tavolo REDD Prosek ibin kamapim planti tingting na toktok we ibin kamap long ol kibung na toktok bilong kamapim ol REDD+ Safeguards bilong kantri.

Olsem na maski ino gat wanpela long dispela ol Safeguards iredi pinis, yumi ken tok olsem wok bilong PNG Communities BEST Prosek em bai bihainim o winim wanem ol mak bai stap long dispela ol Stia na ol bikpela Tok Stia aninit long CCMA bihain taim.

Papua New Guinea's National REDD+ Forest Reference Level (2017)

Wei bilong makim hamas ol win nogut Tavolo REDD Prosek na Plen bilong Wok Skelim bilong prosek ibihainim stret ol stia we emi stap insait long pepa bilong REDD+ Forest Reference Level bilong PNG, we ol ibin salim igo long UNFCCC long 2017.

PNG Constitution (1975)

Nesenel Mak Namba 4 Ol Natural Risos na Environmen;

Mipela, ol pipol bilong Papua Niugini makim namba foa Mak olsem long lukautim na yusim ol Natural Risos na Environmen bilong Papua Niugini long benefit long olgeta manmeri, na imas stap olsem yet o kam bek olsem bipo long benefit long ol tumbuna long bihain taim.

Stakeholder Identification – Makim ol lain husait gat sampela tingting o toktok long Prosek

Ol lain bilong Tavolo, Miukus na Lausus komiunit yet ibin makim ol lain husait igat sampela toktok o tingting long Prosek aninit long wok bilong ol long kamapim Tavolo Community Conservation Association Management Plan 2022-2031. Aninit long dispela, ol komuniti memba ibin makim ol main lain husait isave kam insait long wok bilong ol long Association, o husait igat luksave long dispela wok. Long pinis bilong yia 2020, FORCERT i bin halivim long kamapim wanpela niupela SWOT Analysis, na bihain ol bin skelim wantaim olupela wan bilong taim long kamapim Wildlidge Management Area Management Plan (2009). Wantaim dispela niupela save, ol bin pinisim ol TCCA Management Plen bikpela astingting, na ol bin kamapaim tingting lo ol samting bilong makim sapos wok kamap, Aut long dispela komuniti bin kamapim Theory of Change / Rot long Kamapim Senis bilong ol. TCCA Management Plan ol memba ibin tokaraitim long AGM long December 2021, na plen bilong wok na wok skelim ibin kamap long March 2022.

Ol toktok bilong niupela TCCA Management Plan ibin halivim lo putim ol lain stret husait igat toktok o tingting long prosek long sait bilong VCS-CCBS, na long makim gut ol raits, interes na skelim long wanem kain level ol istap insait long prosek, na dispela ol samting TCCA Menesmen Komuniti ibin oraitim.

Stakeholder Descriptions – Tok klia long ol lain husait igat toktok o tingting long prosek

Stakeholder - <i>Husait</i>	Rights, Interest and Overall Relevance to the Project <i>Raits, interes na skelim long wanem kain level ol istap insait long Prosek</i>
Tavolo Community Tavolo Komuniti	Ol komuniti na ol klen husait ol istap insait long Tavolo Community Conservation Association na husait oli nambawan lain long benefit long Prosek
Surrounding communities and clans Ol komuniti ibaundri wantaim Tavolo Komuniti	<p>Manseng Tribe (West), Sale Mantuna, Nakise, Ewesovur na Elim klen, Tevi, Burowe, Murlevi peles. Kakuna Tribe (North side), Litipupuna, Kinkana, Tamonlona, Keituna klen, na Popolokai, Urupuna na Kualopole peles / Kakuna Tribe (East Inland), Uka, Ulo, Uno, Sale, Kibolo, Keituna, Chamoso klen, Litipupuna, Warale, Pilematana na Anaoria peles / Lote Tribe (East Coastal), Menem, Avila, Aluka, Amaia, Kibolo, Simsim klen, Meletong peles</p> <p>Dispela ol klen bai gat ol kainkain rait long yus bilong graun, olsem rait long wok gaden, painim abus o kisim ol narapela samting long bus insait long Tavolo SLUP eria, na dispela ol raits iklia na kastom ikaramapim. Bikos long dispela, ol mas kisim gutpela toksave long ol hap bilong yusim graun aninit long Tavolo SLUP, ol Komuniti Konsevesen Lo, na ol imas save long Tavolo kamap memba bilong PNG Communities BEST.</p> <p>Ol bai gat toktok tu long prosek aninit long takis Prosek bai givim long Melkoi Lokal Level Gavmen aut long olgeta benefit bilong PNG Communities BEST.</p>
Melkoi Local Level Government (LLG)	<p>Tavolo na Lausus Ward bilong Melkoi LLG istap insait long Tavolo SLUP eria. Eksen Plen bilong Tavolo Komuniti na TCCA Mensemen Plen ibung wantaim tupela Ward Dvelopmen Plen na LLG Dvelopmen Plen.</p> <p>Bai kisim hap bilong takis bilong Gavmen ikam long tilim benefit bilong PNG Communities BEST Tavolo Prosek.</p>
Pomio District Development Authority (DDA)	<p>. Melkoi LLG istap insait long Pomio DDA.</p> <p>Bai kisim hap bilong takis bilong Gavmen ikam long tilim benefit bilong PNG Communities BEST Tavolo Prosek.</p>
Member of Parliament for Pomio Electorate	Hon, Elias Kapovore em memba bilong Pomio insait long Haus Parlamen bilong PNG (2017-2022), na nogut ol bai maki mem gen, bbihainim planti wok kamap na sevis ikam long fes ful taim bilong em olsem Memba.
East New Britain Provincial Administration	<p>Pomio Distrik em stap insait long East Niu Britain Provins.</p> <p>Bai kisim hap bilong takis bilong Gavmen ikam long tilim benefit bilong PNG Communities BEST Tavolo Prosek</p>

FORCERT	Go pas long Prosek. Bai lukautim na painim baia long ol kabon kredit bilong PNG Communities BEST, makim ol nambawan lain hisait bai benefit long Prosek.
Climate Change & Development Authority (CCDA)	Em ol lain long lukautim wok bilong olgeta REDD+ Prosek long kantri. Igat Wanbel Pepa (MOU) wantaim FORCERT long kamap bilong PNG Communities BEST olsem wanpela wok traim stret long halivim long kamapim wanpela wei long mekim REDD+ wok insait long PNG. Bai kisim hap bilong takis bilong Gavmen ikam long tilim benefit bilong PNG Communities BEST Tavolo Prosek
Conservation & Environment Protection Authority (CEPA)	Lukautim ol Konsevesen Eria insait long PNG. Tavolo igat wanpela Wildlife Management Area (WMA) antap long 2,400 hekta bilong SLUP eria boing ol Wok bilong Tavolo Komuniti na FORCERT bihainim niupela Protected Area Act (wetim tokorait bilong Parliamen). Iwok wantaim UNDP long kamapim PNG Biodiversity & Climate Fund long lukautim moni long go long ol Protected Area
PNG Forest Authority	Isave givim aut Forest Clearing Authorities (FCA's) FORCERT igat wanpela MOA wantaim Forestri we emi tok aut long wok bung aninit long Komuniti Fores Menesmen PES/REDD Prosek, wantaim Tavolo olsem wanpela komuniti insait long dispela Prosek
United National Development Program (UNDP)– PNG	Ol ilukautim UNDP GEF6 Prosek long painim moni long nau na bihain taim long lukautim ol Protected Area long PNG wantaim CEPA, na ol bai lukautim GEF7 Prosek we em bai kamap long kamapim ol plen long lukautim gut yus bilong graun insait long Niu Briten Ailen (wantaim Dipatmen bilong Lands na Agrikulsa na CEPA). Prosek sapos long stat long yia 2022. PNG Communities BEST imekim gutpela wok traim long level bilong komuniti we iken givim tingting, na sampela em givim pinis, long dispela tupela Prosek blo UNDP
NGO's	Em point stret igo long ol NGO insait long PNG husait iwok wantaim ol komuniti long sait bilong lukautim graun na konsevesen, olsem Tenkile Conservation Association (TCA), Partners with Melanesians (PwM), Willdlife Conservation Society (WCS-PNG), The Nature Conservancy (TNC-PNG), Tree Kangaroo Conservation Program (TKCP), Organisation for Industrial, Spiritual & Cultural Advancement (OISCA-PNG), World Wildlife Fund (WWF-PNG). PNG Communities BEST imekim gutpela wok traim long level bilong komuniti we iken givim tingting, na sampela em givim pinis, long wankain wok bilong dispela ol NGO. Na tu, wankain wok pastaim bilong dispela ol NGO ibin givim tingting long taim bilong kamapim PNG Communities BEST.

<p>Research Educational Institutions</p>	<p>&</p> <p>Em makim stret ol lain long PNG olsem Binatang Research Centre (BRC), National Research Institute (NRI), Institute of National Affairs (INA), University of Natural Resources and the Environment (UNRE), University of Technology (Unitech), University of PNG (UPNG), University Of Goroka (UOG), Pacific Adventist University (PAU), Divine Word University (DWU).</p> <p>PNG Communities BEST imekim gutpela wok traim long level bilong komuniti we iken givim tingting, na sampela em givim pinis, long ol wok painim aut, ol sumatin, tisa, na em iken givim tingting long kamapim ol material bilong skul na skelim wok bilong ol prosek.</p> <p>FORCERT ibin kisim BRC long wok bung wantaim Tavolo Komuniti long kamapim Komuniti Konsevesen Wei bilong Wok Skelim.</p>
--	---

Project Activities and Theory of Change - Rot long Kamapim Senis

Dispela tabel aninit isoim PNG Communities BEST REDD – Tavolo Prosek Rot long Kamapim Senis, we ipas gut wantaim ol Astingting bilong TCCA Mensemen Plan na plen bilong mekim wok, na iputim instait klostu olgeta long ol bikpela Astingting bilong TCCA.

Aninit: PNG Communities BEST REDD – Tavolo Prosek Rot long Kamapim Senis

TCCA Vision	Ol memba bilong komuniti iwok long stretim sindaun bilong ol long gutpela wei bihainim lukaut bilong environment na ol risos, na long seim taim ol ilukautim graun bilong ol na bihainim yet kastom bilong ol.									
TCCA Mission	Association ikamap wantaim astingting long: (i) Givim stia long lukautim na strongim ol rait aninit long kastom long graun na risoses bilong 16pela ol klen husait istap long Tavolo, Lausus na Mukus (ii) Kisim ol benefit ikamap long wok konsevesen, long moni o kago, na long yusim na tilim ol dispela samting long wanpela wei we emi stret long olgeta manmeri na istap long peles klia (iii) Long wok wantaim ol Gavmen lain long bringim ol bikpela servis stret na tu wantaim ol NGO, Donor na ol narapela lain long halivim long kamapim senis lo wok long ol narapela kain wei long lukautim sindaun na mekim ol senis long daunim hevi iken kamap long Klaimet Senis									
Project Goal	<p>Environment na biodiversity bilong Tavolo, Lausus na Mukus igat gutpela lukaut bilong em na istap gut, na istopim ol bikpela kampani long bagarapim ol gutpela samting isave stap long bus, graun, wara na ol risos, na komuniti yet bai strongim olsem ol papamama bilong graun na ol yet bosim lukaut bilong ol risos</p> <p>- Ol benefit ikamap inapim Tavolo Komuniti long lukautim na yusim gut bus bilong ol</p> <p>- Sindaun bilong Tavolo Komuniti em orait moa yet bikos long gutpela lukaut bilong yus bilong yus bilong graun na ol gutpela wei long stretim sindaun bilong komuniti we ino bagarapim environment</p> <p>- Ol komuniti istrong na ol iken sanap ol yet, na oganaisim na bosim wanem ol senis ol ilaikim</p>									
CCBS Project Objectives	Kisim luksave long Gavmen lo SLUP eria bilong Tavolo Komuniti long yai 2020	Lukautim 1,309 hekta long ol bus bihainim ol Lo bilong FSC igo moa yet abrusim taim bilong Prosek	Lukautim 14,981 hekta bilong ol risos long bus long taim bilong prosek na bihain tu, long ol tumbuna long bihain taim	Lukautim ol HCV we komuniti ibin makim na biodiversity we emi stap insait long Tavolo SLUP eria long taim bilong prosek na bihain tu, long ol tumbuna long bihain taim	Long tilim 14.4 Miljan Euro bilong ol benefit PES bai kamapim, igo long ol gutpela senis long sindaun bilong komuniti long yia 2030	Sapotim na kamapim ol gutpela na stretpela wei long wokim moni, we em bai strongim sindaun bilong ol pipol bilong Tavolo, Lausus na Mukus long taim bilong prosek na igo moa yet abrusim taim bilong Prosek	Kamapim na strongim ol wok olsem rot, bris, na ol haus, long stretim servis bilong trenspot, edukesen na helt long Tavolo, Lausus na Mukus long taim bilong prosek na igo moa yet abrusim taim bilong Prosek	Strongim ol komuniti bilong Tavolo, Lausus na Mukus wantaim bikpela luksave long sait bilong lotu na helt na lukautim ol pipia, long taim bilong prosek na igo moa yet abrusim taim bilong Prosek	Wok long stretim hevi we Klaimet Senis iken kamapim na kamapim ol senis long strongim saplai bilong kaikai na strong long komuniti long taim igat disasta long Tavolo, Lausus na Mulus, long taim bilong prosek na igo moa yet abrusim taim bilong Prosek	

Impact	Luksave bilong olgeta hap bilong SLUP eria bilong Tavolo aninit long konsevesen	16,289 hekta bilong ol bus Tavolo Komuniti ilukautim, bilong ol tumbuna long bihain taim		Menesmen na lukaut long ol HCV we komuniti ibin makin insait long SLUP eria bilong Tavolo	Sindaun isenis long gutpela wei aninit long kamap bilong ol Astingting bilong TCCA Menesmen Plen	Sindaun bilong tavolo Komuniti isenis long gutpela wei aninit long ol wok kamapim moni long gutpela na stretpela rot	Kamap na lukaut bilong olgeta samting olsem rot, bris na haus long sait bilong trenspot, edukesen na helt bilong Tavolo Komuniti	Strongpela na, helti Tavolo Komuniti, inap long lukautim ol yet	lgat moa strong long ol grup bilong ol turangu long komuniti na oli stap insait long olgeta sait long laip long komuniti	Tavolo Komuniti isenis redi na istrong long ol disasta we iken kamap long Klaimet Senis
Outcomes	Tavolo LUP eria bai kisim luksave olsem Konsevesen Eria	1,309 hekta bilong bus FSC Setifikesen bai karamapim	Tavolo Komuniti ilukautim stret na yusim gut olgeta bus	Ol Komuniti Konsevesen Lo istap strong na ol manmeri wok long bihainim	Ol komuniti na femili ikisim benefit long Pei bilong Sevis bilong Environmen	- Namba bilong o wei bilong kamapim moni igo antap - Namba bilong moni isave kam insait long femili igo antap	- Ol haus igutpela moa - Ol wei bilong trenspot igutpela moa - Ol helt sevis igutpela moa - Ol edukesen sevis igutpela moa	- Ol wok long stretim sosel developmen ikam gut - Kastom na ol save bilong tumbuna istap strong yet	Ol program bilong komuniti insait long Tavolo, Lausus na Mukus iluksave long olgeta samting insait long komuniti	- Igat ol kinkain kaikai olgeta taim - Ol Buffer zone istret gen - Ol hap wei bus ibin bagarap istret gen - Plen bilong Safeguards, Mitigation & Adaptation ol manmeri bihainim taim igat nid long en

Outputs	Komuniti Konsevesen Deed sain pinis	- Wei bilong lukautim FSC Setifikesen istap - Wok skelim bilong FSC	- Ol Komunti Konsevesen Lo ikamap pinis - Wei bilong skelim Komuniti Konsevesen ikamap pinis - Olgeta manmeri bihainim SLUP	PNG Communities BEST Program kamap pinis	Ol wok long kamapim ol wei long kamapim moni ol mekim pinis	Wok long stretim trenspot, helt na edukesen divelopmen ol mekim pinis	Wok long stretim sosel divelopmen ol mekim pinis	Ol program long strongim ol grup bilong ol turangu long komuniti ikamap pinis	Wok long ol senis long sanap strong long Klaimet Senis ikamap pinis
Activities	Toktok, kamapim na saimin Conservation Deed	- kamapim wei long lukautim FSC Setifikesen - Putim askim igo long kamap FSC Setifait	- Kamapim ol Komuniti Konsevesen Lo - Kamapim wei bilong skelim Komuniti Konsevesen - Bihainim SLUP	Kamapim na tilim benefit aninit long PNG Communities BEST Program	Kamapim na mekim ol wok long statim o lwei long mekim moni bihainim TCCA Menesmen Plen	Kamapim ol wok divelopmen bilong trenspot, housing, edukesen na helt bihainim TCCA Menesmen Plen	Kamapim ol wok long sait bilong sosel divelopmen bihainim TCCA Menesmen Plen	Kamapim ol program long strongim ol grup bilong ol turangu long lomuniti bihainim TCCA Menesmen Plen	Kamapim ol wok long sait bilong mekim senis long sanap strong long Klaimet Senis bihainim TCCA Menesmen Plen

Climate, Biodiversity and Community Benefits Assessment Period – Ol taim bilong skelim Klaimet, Biodiversity na Komunitu Benefit

Ol senis wei ikamap long ol win nogut ilus taim bus ibagarap bai yumi skelim long olgeta krismas bihainim skelim sapos olgeta manmeri bihainim Plen bilong Yus bilong Graun o nogat, na TTCA bai givim ripot long dispela igo long FORCERT long taim bilong bikpela bung long komuniti long pinis bilong wanwan krismas long skelim olgeta wok kamap bilong PNG Communities BEST. Bai gat skelim bilong ol Pemanent Sempel Plot long olgeta 5pela krismas igo inap long 30pela krismas bilong prosek ipinis.

Ol senis long Benefit bilong Biodiversity bai gat skelim bilong em olgeta taim aninit long wok bilong Komuniti Konsevesen Lo Komiti. Wanpela wok bilong prosek em long kamapim na bihainim wanpela Wei bilong skelim Komuniti Konsevesen, na dispela wok stat pinis long mun July 2021, na TTCA bai givim ripot long dispela igo long FORCERT long taim bilong bikpela bung long komuniti long pinis bilong wanwan krismas long skelim olgeta wok kamap bilong PNG Communities BEST.

Ol senis long ol Benefit ikam long Komuniti bai gat skelim bilong em long olgeta wanwan krismas taim TTCA bai givim ripot long dispela igo long FORCERT long taim bilong bikpela bung long komuniti long pinis bilong wanwan krismas long skelim olgeta wok kamap bilong PNG Communities BEST.

Implementation Schedule – *Plen long kamapim ol wok*

Date	Milestone(s) in the project's development and implementation <i>Ol bikpela mak insait long wok kamap bilong prosek</i>
2007	Tavolo kamap olsem producer memba bilong FORCERT FSC-Fairtrade Grup Sertifikesen Sevis Netwok: stat bilong wok bung namel long Tavolo Komuniti na FORCERT
2008	Stat bilong wok traim bilong FORCERT long PES wantaim Tavolo komuniti: kamap na traim bilong wei long komuniti long skelim kabon long bus
2012	Stat bilong ol toktok long Wei bilong tilim ol makmak bilong PES wantaim Tavolo Komuniti
2015	Nambawan K100,000 long traim wei long tilim benefit wantaim hap moni bilong CCA na FORCERT long traim ol pepa long wei bilong komuniti long gvim tok orait long REDD+ na long wei bilong tilim benefit long kantri: stat bilong permanent housing scheme long Tavolo, Lausus na Mukus
2018	Pre-finance wanbel pepa wantaim Greenchoice na sapot long sait long winim ol lo bilong setifiket long Face the Future. Inapim kamap trutru long PNG Communities BEST Program na nambawan REDD Tavolo Prosek, wantaim neks wok traim tilim benefit igo long Tavolo Komuniti
Dec 2018	Nambatu wok traim tilim benefit long K150,000 long go het wantaim permanent family housing scheme
23 Jan 2019	Stat bilong Prosek wantaim ol wok skelim
Oct 2019	Taim ol saimin Mukus-Tavolo-Lausus Conservation Deed

25 Jan 2021	PNG Investment Promotion Authority oraitim Tavolo Community Conservation Association
Jan-Feb 2020	Nambatri wok traim tilim benefit: sapot long ol skul fi sapot long olgeta sumatim long secondary school bilong Tavolo Komuniti
Jan-Feb 2021	Nambafoa wok traim tilim benefit: sapot long ol skul fi sapot long olgeta sumatim long secondary school bilong Tavolo Komuniti
Nov 2021	Tok orait long sait bilong ol Lo long BEST wanbel pepa ikam long State Solicitor's Office
Nov 2021	FORCERT na Tavolo Komuniti sainin PNG Communities BEST membasip wanbel pepa
Aug 2021	Stat bilong wok kamapim Wei bilong skelim Komuniti Konsevesen
Jan-Feb 2022	Nambafaif wok traim skelim benefit: sapot long ol skul fi sapot long olgeta sumatim long secondary school bilong Tavolo Komuniti
May-Jun 2022	Wok skelim bilong VCS na CCBS long ol autsait lain
Aug 2022	Kamap bilong ol nambawan kabon kredit aninit long PNG Communties BEST REDD Tavolo Prosek
Sep 2022	Nambawan trutru tilim benefit aninit long PNG Communities BEST Program igo long Tavolo Komuniti
Dec 2022	Nambawan bikpela bung long Tavolo Komuniti long pinis bilong wanwan krismas long ol ripot bilong PNG Communities BEST
2023	TCCA Menesen Plen igo insait long Tavolo na Lausus Ward Developmen Plen
Jan-Feb 2023 onwards	Wok tilim benefit long wanwan krismas aninit long PNG Communities BEST Program igo long Tavolo Komuniti, wantaim ol hap moni igo long TCCA long wanwan tripela mun
2030	Wok skelim long kamap bilong TCCA Menesmen Plen 2021-2030, wantaim skelim long plen bilong yus bilong graun na ol komuniti konsevesen lo
2031	Kamap bilong niupela TCCA Mensemen Plen 2031-2040
2040	Wok skelim long kamap bilong TCCA Menesmen Plen 2031-2040, wantaim skelim long plen bilong yus bilong graun na ol komuniti konsevesen lo
2041	Kamap bilong niupela TCCA Mensemen Plen 2041-2050
2049	Wok skelim long kamap bilong TCCA Menesmen Plen 2041-2050, wantaim skelim long plen bilong yus bilong graun na ol komuniti konsevesen lo
22 Jan 2049	Pinis bilong Prosek wantaim ol wok skelim

Benefit Permanence – *Olsem wanem benefit bai go yet*

Tavolo Komuniti bai kamapim dispela ol samting long holim na strongim ol benefit long sait bilong klaimet, komuniti na biodiversity bihain long taim bilong prosek ipinis:

1. Kamapim na bihainim ol Komuniti Konsevesen Lo, we igat ol lo komuniti yet makim long sait bilong lukautim graun na bus insait long prosek eria. Wanpela Komuniti Konsevesen Lo Komiti kominiti bai kamapim long strongim luksave na wok bihainim long olgeta manmeri long komuniti na ol outsait lain long ol Komuniti Konsevesen Lo.

2. Yusim gut na lukautim bus bilong ol aninit long SLUP, we komuniti yet ibin kamapim aninit long wok bung wantaim FORCERT. Dispela plen bilong yus bilong graun ilukluk moa yet long wok konsevesen bilong bus na wok bilong wokabaut somil.

3. Bai gat wanpela Wei bilong skelim Komuniti Konsevesen, long inapim komuniti em yet long skelim kaikai bilong ol bihainim SLUP na ol lo bilong konsevesen, na long glasim dispela wok skelim long mekim senis long wei bilong lukautim graun na bus, sapos igat nid long en.

4. Komuniti ipasim tok pinis long yusim hap benefit long wanwan krismas aninit long PNG Communties BEST long sapatim ol femili long wei bilong mekim moni, na em bai bringim sekuriti long sait bilong moni na ol narapela sosel benefit long ol femili.

5. Komuniti ipasim tok pinis long putim hap bilong benefit bilong ol long wanwan krismas igo long Invesmen long redim benefit long ol tumbuna long bihain taim.